

QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA,

IN SCHOLIS MEDICORVM,

die Iouis XVII. Ianuarij.

M. CAROLO LE BRETON.

DOCTORE MEDICO, MODERATORE.

An febris fluente aluo venæ sectio? (1°)

I.

SANGVIS est apparatus utilis alendo corpori, non cessant venæ illum excoquere & augere, nisi cum plenæ ipso & nimium distentæ non distantur, tum amissa naturali temperie, onere graues & imbecillæ non modo illum non perficiunt, sed nec vindicant à putredine. Sic sanguis natium decus exuit, sic fit corpori inutilis & qui fuerat sanitatis parens tandem fit causa morbi. Nec dum tamen morbus emicat nisi cum venarum intemperies similem inussit visceribus, cujus vi prauorum succorum colluies succrescens & ab infractu conflagrans in venas immigrat: sic morbi per partes geniti toti repente prodeunt leues, acuti, mites, maligni, simplices & impliciti ex varia putrescentium excrementorum conditione, vt ab eorundem diuerso motu alia statim initio morbi apparent symptomata & alia etiam grauiora in progressu subnascuntur. In hunc morbi vel cuiusque humoris motum acriter animum intendant medicus, quam sit præcepseu lentus, vt pari modo & apto tempore depromat remedia. In primis ne cunctetur præsentissima decernere in omnibus acutis neue puter vllum seligi posse venæ sectione promptius aut validius quo possit morbos istos simul & eorum symptomata velut vno ariete demoliri.

(10) Suivant le Catalogue de BaAon, cette thèse est la 1^{re} de 1664. Elle devrait être la 14^e de ce volume, et ne pas se séparer la thèse 6^e de la 67^e, qui devraient se suivre.

1664. Imprimé à Paris chez Jean de la Motte, 1263. Voyez la notice de la Bibliothèque de la Faculté de Médecine de Paris.

LEVIORES morbos natura sanat jejunio & pepasmo. Interdum acutos profusa excretionem sanguinis per nares, vterum & anum, in his ad naturæ imitationem sua consilia dirigens ars medica sanguinem sectâ venâ haurire nusquam metuit neque illam à proposito dimouent oborta symptomata quæ sagaci conjecturaprehendit ab iisdem cum morbo causis prouenisse, quocumque modo sæuiant illa, & ægrum fatigent modo non prorsus collapsis viribus properabit naturam onere oppressam & debilitatam subleuare misso sanguine. In cardiogmo & cholera morbo empiricus confugit ad confectiones theriacales & cardiacas incassum vel etiam maiore damno seu eas propinet seu tantum admoueat: tu statim atque accesseris ad ægrum si morbum agnoscis etsi pulsum exilem vix percipias fidens animi venam tunde, sic moribundo similem ad vitam reuocabis præter spem omnium. Id audere medicos longus artis vsus docuit, & prægnantes quoque plethora vel acuto morbo laborantes secta pluries in omni sanguinis profluvio sponte ducto ferme medici opem efflagitat & sæpissime in menstruis mulierum, vt si parcius fluant magis prouocentur & vbi modum non seruant nec fluendi finem faciunt vt inhibeantur sanguine in diuersum deducto. Itaque apage futilem Arabum opinionem subinde nobis increpantium sanguinem frænum esse bilis quasi vero bilis non esset incendii stimulus, & sanguine educto, ipsa quoque non educeretur.

III.

SANGVIS suauis & humido calore se fouet seque tuetur ab omni vitio immunem quandiu libera est transpiratio per spiracula toto corpore sparsa, sin vero calorem suum sinat ab alieno corripit & superari incipit putrescere. Calor omnis alienus in nobis tralatitius est ab excrementis quæ maioribus admissa venis & arteriis si fumo suo vel fuligine cor percellant producit febris morbus totius corporis plerumque acutus scilicet cum se putredini adjicit immodicus feruor vstionis vel ebullitionis. Is feruor nihil aliud est quam motus sanguinis assiduus vehemens celer à calore bilis excrementitiæ vel ichoris corrupti: illa ab æstuante cysti genita: hic vero à liene fermentato secretus vbi alteruter vel vterque sese effundunt in venas feruorem illum addunt sanguini tum naturale serum ebulliens facile se ab eo exoluit nec multo post sanguis ipse à reliquis humoribus congenitis secernitur,

interdum ruptis fibris liquitur in sanem versus, vel à bile torrida exardescens dissipato sero adurit & *dupros* saturato rubore splendet. Ab utrisque cum putredo ad summum venit fiunt malignæ febres, sine illo putredinis excessu ardentes dolore capitis & delirio stipatæ. Sed tenuis & aquosus sanguis ut plurimum febres parit quas infestant comata & fluxio omnis generis, quæ plurima venit cum biliosa & serosa venarum illuies orgasmo efferæ feruntur nec jam se continent earum alueo. Tum enim laxatis humido impluio venularum osculis torrentis in morem rupto obice prorumpunt & varias corporis partes inundant nempe habitum corporis vel caua viscerum at sæpissime in hepar & intestina unde frequens aduenit febribus alui profluuium.

IV.

H V I V S profluuij in febribus causæ sunt, critici quidem naturæ robur & excrementa quæ quanquam plurima sint, mita tamen & inflammationis expertia. Symptomatici vero causa est vis morbi & feritas humoris qui naturam proritat ad excretionem. Est ne insuper innata corporis particulis facultas ab ipsis diuersa qua vicissim vna post aliam bilem & serum acres succos ne se lædant pro se quæque summa vi depellant? An potius innata bilis mobilitas adaugetur crescente morbo, quo tempore plurima vndique succenditur fuligo? Sane Rheumatismi hujus tam citato motu oberrantis hæc vna causa potior mihi visa est æstus & fermentatio sanguinis bile & sero conspersi. Perspectum est omnibus, febris & feri biliosi mutuam esse generationem hoc indicio quod incremento febris vel redeunte paroxysmo statim periodis sæpissime aluus profluat serosis & biliosis. Quis dubitet tum temporis efferuescere bilem, & serum à sanguine secerni, despumare, eructari à venulis & tandem ex habitu corporis refluere ad hepar & venas mesaraicas qui foci sunt febrium præcipui in quibus assidue cuduntur & conduntur feruida illa excrementa fomites febrium pariter atque profluuiorum? Pro certo habeo nullum fieri nostro in corpore humorum transfluxum seu transitum à parte in partem qui par sit fluxioni concitandæ quin prius exoriatur feruor in sanguine, sed ut nullus feruor sine febre micat nostro in corpore ita nulla in ægris sine febre & feruore oritur insignis excretio neque ipsum alui profluuium; nam vel criticum præuertit critica perturbatio qui feruor quidam est. Hoc vero criticum profluuium soli naturæ committendum est, symptomaticum vero artis opem reposcit.

FEBRICITANTE M si profluuium alui fatiget & debilitet eo maturius de illo sistendo cogitet medicus quo propius periculo. In id ars nulla est venæ sectione promptior aut tutior: hæc vtrique scopo consulit vna & eadem opera febrilem feruorem compescens simulque alui profluuium. Cum naturæ geminam vacationem recuset si fluant in aluum sanguis, serum, aut bilis, aperta cubiti vena momento reueller & quidem sine periculo refluxus qui imminet à remediis astringentibus. Sanguinem mittere nullus renuit medicus in hæmorrhagia profusa, immoderatis menstruis vel hæmorrhoidibus vel in dysenteria, cur in diarrhæa præsertim cum febre? Quo in casu multo maior instat necessitas sanguinem mittendi: Id agere nos vetant medicastri, hunc illis metum intulit textus Galeni male intellectus, quæ hallucinatio multa hominum millia pessundedit. At saltem inspicerent naturæ solertiam & quanta virium suarum fiducia caularios vtriusque sexus à morbis quamplurimis & ab ipsa morte redimat profuso vbertim sanguine per hæmorrhagiam, vteri effluvia & dictas hæmorrhoidas toto vitæ decursu fluentes & per dysenteriam quod sæpius visum in mutilis. Est crede mihi restibilis sæcunditas progignendi sanguinis in humido partium solidarum & viscerum. Hic conditur opulentum vitæ penu non in venarum sanguine qui tantum futurus est nutritius, nec dum nutrit. Eductam è venis saniem puri vel albo glutino similem sanguinem esse putas, verius dicam ego chylum esse indigestum aut pallidam bilem recocto mixtam phlegmati, an hæc sint nutriendo? His resciri sustineant viscera? Imo effundi è venis antequam impuritate sua noceant. Idcirco amant impura corpora iterato persæpe neoterismo recreari per epaphæresin quæ ratio est nouandi corporis tutissima cum vires non demoliatur sed instauret conferente ad id succi melioris adjectione: sic vbi febricitantes pleonexiâ serosâ vel biliosâ laborant nisi fiant alternis partita vacuatio & additio perseverabit febris & vna alui Rheumatismus.

Ergo feбри fluente aluo venæ sectio.

DOMINI DOCTORES DISPVTVRI.

M. Robertus Patin.

M. Ioan. Armand. de Mauuilain.

M. Antonius Charpentier.

M. Michaël de la Vigne.

M. Bertinus Dixuioye.

M. Franciscus Pijart.

M. Petrus Perreau.

M. Stephanus Bachot.

M. Franciscus Bonjournier.

Proponebat Lutetiæ PETRVS LEGIER Parisinus,

A. R. S. H. M. DC. LXIV.